

A bheil liosta airidheachd ann?

Gus a bhith airidh, feumaidh tagraichean a bhith:

- Ochd bliadhna deug a dh'aois no nas sine
- Stèidhichte ann an aon de cheithir nàiseanan na RA - Sasainn, Èirinn a Tuath, Alba no a' Chuimrigh
- Nan neach-cleachdaidh chruthachail ag obair sna gnìomhachasan ealain is cruthachail no mar bhuidhinn ag obair sna gnìomhachasan ealain is cruthachail.
- Le cunntas banca na RA fon ainm fhèin.

Feumaidh tagraichean

- Gealltanais dearbhte bho co-dhiù aon chom-pàirtiche ealanta no cruthachail stèidhichte ann an aon de na ceithir nàiseanan eile - Sasainn, Èirinn a Tuath, a' Chuimrigh no Alba (faodaidh seo a bhith mar neach fa leth no buidheann)

agus

- Gealltanais bho chom-pàirtiche eadar-nàiseanta ealanta no cruthachail (faodaidh seo a bhith mar neach fa leth no buidheann). Cuiridh a' mhaoin seo prìomhachas cuideachd air com-pàirteachasan eadar-nàiseanta taobh a-staigh na Roinn Eòrpa.

Dè thathas a' ciallachadh le com-pàirtiche cruthachail eadar-nàiseanta?

Airson na maoine seo, 's e com-pàirtiche cruthachail eadar-nàiseanta:

- sìobhaltach nach buin don RA a tha a' còmhnaidh ann agus ri cleachdadh cruthachail ann an dùthaich neo-RA

air neo

- buidheann nach eil clàraichte san RA a tha ri cleachdadh cruthachail stèidhichte ann an dùthaich neo-RA

Dè na seòrsaichean chosgaisean ris an toir a' mhaoin taic?**Cìsean Luchd-ealain:**

Bu toigh leinn dèanamh cinnteach gu bheil sibh gur pàigheadh fhìn, agus a' pàigheadh buill a' phròiseict agaibh mar as còir. Feumaidh am pròiseact agaibh cosgaisean a ghabhail a-steach airson na h-ùine agaibh/aca. Faodaidh na cìsean seo a bhith suas gu 100% de chosgais a' phròiseict agaibh. Thoiribh dhuinn gearr-chunntas air na cìsean seo, a' gabhail a-steach tabhartasan neo-ionmhasail sam bith, ann am buidseat a' phròiseict.

Cosgaisean gnìomhachd ealanta:

Faodaidh iad seo cosgaisean leithid siubhail, còmhdhail, àite-fuirich, per diems, àrachas siubhail, cosgaisean gnìomhachd didseatach is fastadh rumannan ath-aithris is uidheam a ghabhail a-steach. Faodaidh sibh cosgaisean a ghabhail a-steach leithid eadar-theangachadh is mìneachadh a' phròiseict.

Cosgaisean airson na gnìomhachd agaibh a dhèanamh nas ruigsinniche:

Tha dùil againn gun dèan sibh a' ghnìomhachd agaibh ruigsinneach do dhaoine ciorramach ma tha sibh a' gabhail a-steach chom-pàirtichean agus/no luchd-amhairc eile. Faodaidh tu cosgaisean a ghabhail a-steach leithid: tuairisgeul claisneachd, eadar-mhìneachadh BSL (Cànan-soidhnidh Bhreatainn) is cànanan soidhnidh eile agus fo-thiotaladh is caipseanadh.

Sgrùdadh is luachadh:

Bu chòir fa-near a thoirt an seo do chosgaisean ceangailte ri sgrùdadh a' phròiseict agaibh aig gach prìomh ìre, cho math ri cosgaisean luachaidh sam bith.

Rianachd shònraichte a' phròiseict agus cosgaisean rianachd:

'S urrainn dhuinn beachdachadh air rianachd shònraichte a' phròiseict agus cosgaisean rianachd mura h-eil iad pàighte le maoin eachadh eile agus ma tha e follaiseach gu bheil iad barrachdail, agus mura h-eil sibh a' faighinn maoin eachadh gu bitheanta bho aon de na comhairlean ealain. Feumaidh sibh a shealltainn dhuinn gun tarraing na cosgaisean fad ùine chuingichte agus gu bheil iad ceangailte gu dìreach ris a' phròiseict agaibh.

Dè na seòrsaichean chosgaisean nach gabh taic leis a' mhaoin?

Thoiribh sùil air stiùireadh na maoin airson fiosrachadh mu na cosgaisean dha nach urrainn dhuinn taic a thoirt. **(Duilleag 5)**

Dè th' ann an Cosgaisean Inntigidh?

'S e cosgaisean inntigidh cosgaisean neo-ealanta a tha ag amas air bacaidhean com-pàirteachaidh a thoirt air falbh dhuibh fhèin, do chuideigin leis a bheil sibh ag obair no a tha sibh a' fastadh, no do chom-pàirtichean no luchd-amhairc a bhios a' gabhail ùidh anns a' phròiseict no gnìomhachd agaibh. 'S urrainn dhuinn taic a thoirt a phàigheadh cosgaisean taic inntigidh dhuibh fhèin, no do dhuine sam bith an sàs gu dìreach ann an leasachadh is libhrigeadh a' phròiseict. Dh'fhaodadh iad seo a ghabhail a-steach cosgaisean eadar-theangair cànan-shoidhnidh, cosgaisean geàrr-chlò-sgrìobhaiche, obraichean-taice, uidheam no bathar-bog speisealach.

Anns a' bhuidseat agaibh thoiribh dhuinn geàrr-chunntas air na cosgaisean inntigidh, mar eisimpleir: *Obraiche-taice: £ san latha, X làithean.*

Tha an t-suim seo air leth bhon t-suim dha bheil sibh a' tagradh gus am pròiseict a libhrigeadh. Cuirear an t-suim seo ri iarrtas iomlan an tabhartais.

Bu chòir cosgaisean eadar-theangachaidh eile, mar eisimpleir bhon Chuimris gu Beurla no Beurla dhan Ghearmailtis, a bhith air an gabhail a-steach taobh a-staigh prìomh chosgaisean a' phròiseict.

Dè seòrsa gnìomhachd dhan gabh a' mhaoin a chleachdadh?

Faodaidh tagraidhean a bhith airson gnìomhachd phearsanta, dhidseatach no thar-chinealach (measgachadh den dà chuid pearsanta is didseatach). Faodaidh a' ghnìomhachd iomlaidean, muinntireasan, leasachadh com-pàirteachais, co-chruthachadh is lìonrachadh a ghabhail a-steach.

- Dh'fhaodadh a' ghnìomhachd aon no barrachd de na leanas a ghabhail a-steach:
- Leasachadh cleachdaidh ealanta le bhith ag obair air feadh na RA agus gu h-eadar-nàiseanta
- Co-obrachadh còmhla ri luchd-ealain, luchd-cleachdaidh cruthachail agus buidhnean air feadh na RA agus gu h-eadar-nàiseanta
- Leasachadh tràth-dhàimhean le luchd-ealain, luchd-cleachdaidh cruthachail agus buidhnean le sealladh san fhad-ùine de leasachadh mhargaidhean is luchd-amhairc air feadh na RA agus gu h-eadar-nàiseanta airson obair is a' togail ìomhaigh gu h-eadar-nàiseanta
- Iomlaid de phrìomh dhaoine chruthachail gus beachdan no càirdeasan ùra a leasachadh.

Dè na meuran ann an riochdan ealain ris an urrainn dhuinn taic a chumail tron mhaoin?

'S urrainn dhuinn beachdachadh air molaidhean o luchd-cleachdaidh cruthachail agus buidhnean a tha ag obair ann an caochladh riochdan ealain, nam measg, ealain ioma-mheurach, pròiseactan do chloinn is òigridh agus na riochdan-ealain a leanas, a gheibhear gu h-ìosal:

Obair-chiùird

- Obair-aodaich
- Àirneis
- Nasgadh leabhraichean
- Mosàigean
- Seudan.

Na h-Ealain Lèirsinneach

- Peantadh
- Cruth-ealain
- Dèanamh phriontaichean
- Tarraing dhealbhan
- Beò-dhealbhan.

Ceòl

- Ceòl-consairt clasaigeach/co-aimsireil na h-àird an Iar
- Opara
- Ceòl tèatair agus ceòl-chluichean
- Jazz agus ceòl air òcaideachadh
- Ceòl pop co-aimsireil
- Ceòl traidiseanta
- Ceòl an t-saoghail
- Buidhnean coimhearsnachd
- Còmhlain
- Coimhearsnachdail.

Litreachas

- Bàrdachd
- Nobhailean/Nobhailean beaga
- Sgeulachdan goirid
- Obair stèidhichte air taisbeantas
- Sgrìobhadh sgrìoptaichean
- Fìrinneach (aistean agus breithneachadh)
- Seanchas
- Leabhraichean cloinne;
- Nobhailean grafaigeach.

Tèatar

- Taighean-cluiche
- Companaidhean stèidhichte air taighean-cluiche
- Companaidhean riochdachaidh neo-eisimeileach
- luchd-cleachdaidh tèatair fa leth - cleasaichean, teicneolaichean, stiùirichean, dealbhaichean, riochdairean agus sgrìobhaichean-dràma.

Thoiribh fa-near nach eil an liosta gu h-àrd iomlan. Ma tha ceistean agaibh mu airidheachd ur beachd-smuain don mhaoin seo, cuiribh fios chun sgioba fiosrachaidh againn.

An urrainn dhuinn tagradh a chur ma tha sinn nar co-bhuidheann luchd-ealain no nar lionra?

Gabhaidh sinn ri tagraidhean bho cho-bhuidhnean luchd-ealain is lìonraichean foirmeil is neo-foirmeil. Dhan fheadhainn nach eil ann an co-shuidheachadh foirmeil, feumaidh aon neach-ealain no neach-cleachdaidh cruthachail a bhith mar am prìomh thagraiche air am bheil uallach aithrisidh is ionmhasail.

Ciamar a chuireas com-pàirtichean comhairlean ealain nan ceithir nàiseanan taic ris a' phrògram?

Bidh oifigearan bho Alba Chruthachail, Arts Councils Northern Ireland and England agus a' bhuidheann eadar-nàiseanta Wales Arts International aig Arts Council of Wales:

- a' cur a' phrògram air adhart gus measgachadh de luchd-ealain ann an raon de sheòrsaichean-ealain, coimhearsnachdan is suidheachaidhean cruinn-eòlach air feadh na RA a bhrosnachadh ri tagradh a chur; agus,
- ag obair dlùth còmhla a' luachadh a' phrògram agus a' togail air an t-soirbheachas dheth.

Cò a bhios a' measadh an tagraidh agam?

Thèid an tagradh agaibh a sgòradh le dithis mheasadair à sgioba air an tarraing bho Arts Council England, Arts Council Northern Ireland, Arts Council Wales (Wales Arts International) agus Alba Chruthachail. Thèid tabhartasan a cho-dhùnadh an uair sin a rèir nan sgòran le panail riochdairean às na ceithir comhairlean is buidhnean ealain. Bidh stiùireadh na maoine a' suidheachadh nan slatan-tomhais agus mar a thèid an tagradh agaibh a mheasadh.

Dè seòrsa aithriseachd no luachaidh a bhios a dhìth aig deireadh na gnìomhachd agam?

Bidh feum agaibh air foirm sgrùdaidh deireadh a' phròiseict a lìonadh, còmhla ri grunn cheistean goirid a' buntainn ris a' phròiseact agaibh gus ar cuideachadh le luachadh na maoine pìleataich seo.

Dè na planaichean a tha ann airson ionnsachadh agus toraidhean na maoine seo a cho-roinn?

Chaidh eòlasan o phròiseactan roimhe a cho-roinn aig maidnean Arts Infopoint UK agus ann an seisean co-roinnidh sònraichte eadar com-pàirtichean pròiseict. Bidh aithrisean a gheibhear bho gach pròiseact dhan tug sinn taic nam pàirtean den luachadh a nì ceithir comhairlean ealain na RA air feum na maoine agus air ionnsachadh is toraidhean na gnìomhachd dhan tugadh taic.

A bheil teans ann idir gum builicheadh sibh còrr is £7,500 air pròiseact?

'S e £7,500 an tabhartas as motha a bheirear do chosgaisean pròiseict. Ach, 's ann a bharrachd air seo a bhios cosgaisean inntigidh dhan toirear taic tron mhaoin seo.

Am faodar neach fa leth no buidheann ainmeachadh mar chom-pàirtiche ann am barrachd air aon tagradh?

Chan fhaod neach no buidheann a bhith a' stiùireadh ach air aon tagradh a-mhàin, ach faodar ainmeachadh mar chom-pàirtiche ann an tagraidhean eile.

A bheil àiteachan no dùthchannan air an tèid prìomhachas a chur leis a' mhaoin seo?

'S urrainn dhan mhaoin seo taic a thoirt do ghnìomhachdan le roinn no dùthaich sam bith taobh a-muigh na RA; ach, thèid prìomhachas a chur air gnìomhachd aig a bheil com-pàirtiche no com-pàirtichean anns an Roinn Eòrpa.

A bheil sriantan sam bith ann do phròiseactan sa bheil Clann is Òigridh an-sàs?

Chan fhaodar a' mhaoin a thoirt do dh'ealain choitcheann no gnìomhachdan cruthachail ann an sgoiltean. Faodar taic a chumail ri gnìomhachd fo stiùir neach-ealain a tha a bharrachd air lìbhrigeadh a' phrìomh-churraicealaim agus a tha a' dearbhadh obair chom-pàirteachail gu soilleir air a' chumha gum buin an tagradh do bhuidheann ealain no neach neo-eisimeileach airidh agus ma chuireas e luach ris na thèid ionnsachadh.

Dè a bu chòir do thagraichean a bhith a' tabhann a thaobh Dìona ma tha pròiseact ag iarraidh obair le cloinn agus òigridh/daoine so-leònta anns an lìbhrigeadh aca?

Bhiodh e na bhuannachd ma chithear fianais air deagh-chleachdadh i.e., a bhith dearbhte fo sgeama PVG (Dìon nam Buidhnean So-leònta)/Inntrigeadh NI/DBS (Seirbheis sgaoilidh agus bacaidh), agus ma tha Poileasaidh Dìon Cloinne aig an tagraiche a ghabhas a chleachdadh anns a' phròiseact. Dh'fhaodadh an sgrìobhainn Creating Safety aig Alba Chruthachail a bhith feumail dhuibh a thaobh a bhith a' deasachadh **Poileasaidh Dìon Cloinne**.

An toir sibh na suimean tabhartais a tha tagraichean ag iarraidh, no am faodadh sibh tabhartas nas ìsle a thabhainn?

'S dòcha gum bi co-fharpais theann ann airson a' chòrr mhaoinean a tha rim faighinn agus nach tèid againn air gach tagradh airidh a mhaoineachadh. Dh'fhaodte gum faigh sibh suim nas ìsle, ach bheir sinn fa-near ion-dhèanachd a' phròiseict ann an co-dhùnadh sam bith gus suim nas ìsle a bhuileachadh oirbh.

Nuair a bhithear a' pàigheadh, ciamar a thèid maoin eachadh a lìbhrigeadh (i. ann an aon phàigheadh no cuibhreannan)?

Aon uair 's gun cuir sibh ur n-ainm ris agus gun till sibh ur n-Aonta Tabhartais thugainn agus gu bheil sinn air ur fiosrachadh is cumhaichean tabhartais sam bith a dhearbhadh, pàighidh sinn an tabhartas gu h-iomlan. Feumaidh sibh aithris a chur a-steach aig deireadh a' phròiseict agaibh mar chumha bun-thomhasach an tabhartais.

An urrainn dhuibh mo chuideachadh le sireadh chom-pàirtichean airson a' phrògram seo?

Mholamaid gun cleachd daoine na fiosraichean, ceanglaichean is lìonraidhean aca gus beachd air pròiseact a dheasachadh airson na maoin seo. Sa chumantas, ma tha com-pàirtichean is co-obrachadh gu bhith soirbheachail, b' fheàrr de nam biodh eòlas is tuigse agaibh fhèin is aig ur com-pàirtichean air càch a chèile ro làimh, gus beachd air pròiseact a dheasachadh air co-leas gach com-pàirtiche, ach cuideachd a bhiodh dualtach air amasan a' phròiseict a lìbhrigeadh.

Airson adhbharan na maoin seo, a bheil Èirinn a Tuath agus Poblachd na h-Èireann gam meas mar dhà nàisean?

Tha, airson adhbharan na maoin seo, tha sin ceart.

Am faod mi tagradh gu Maoin Eadar-nàiseanta nan Ceithir Nàiseanan ma tha mi a' faighinn tabhartasan pròiseict eile on Chomhairle Ealain ionadail agam?

F: Faodaidh. 'S e cothrom maoin eachaidh a bharrachd a th' ann am Maoin Eadar-nàiseanta nan Ceithir Nàiseanan. Ach, feumaidh sibh dèanamh cinnteach nach eil sibh ag iarraidh taic maoin eachaidh airson na h-aon chosgaisean ris an deach taic a chumail le tabhartas maoin eile.

Am feum mi com-pàirtichean ùra a lorg, no am faod mi obair còmhla ris na com-pàirtichean a th' agam an-dràsta?

F: Faodaidh tu obair còmhla ris na com-pàirtichean a th' agaibh an-dràsta. Ach, feumaidh tu mìneachadh ciamar a bhios a' ghnìomhachd a mholar eadar-dhealaichte rithe, no a' leudachadh gu soilleir air an obair agaibh roimhe no an-dràsta còmhla.

Am feum mi maoin eachadh co-ionann?

Chan fheum. Chan eil maoin eachadh co-ionann riatanach.